

MENDITXIKI SAIBI ELURRETAN

Alpeetatik heldu berri, familia bila datorkit Loluko aireportura, hau poza! "Aita bagoaz elurretara!" proposatzen dit gure zazpi urteko semeak. Nola ezetz esan horrelako proposamenari! Jan gabe bagoaz hirurok zuzenean Urkiola aldera. Mendatearen bi aldeetan badaude bi iguera apropos elurrarekin gozatzeko: Urkiolamendi eta Saibi. Gaurkoan azken honetara igoko gara.



TESTU ETA ARGAZKIAK



Joseba Calzada "Igorri"
(Dibuz, 1979)

Naturari duen maitasuna familian baserrian hasi zen, Bermeoko Igorri baserrian, hain zuzen. Beldanik gustatu izan zala kirola, batez ere mendian egiten bada (neguko eskalada, ertzak, zeharbidako eskia, BTT, orientazioa, abentura-aiadak...). Bero jardueren bloga: <http://Igorri.blogspot.com>

Elurretan beiristae derraz gozatzuz para je ezin hobean

Gaurko txangoa Urkiolako mendatean hasiko dugu. Mañariatik bagatoz BI-623 errepidea jarraitu behar dugu aldapan gora, txirrindularien artean bere profil izugarriagatik ezaguna den mendatea igota. Mendatearen beste aldetik bagatoz aldiz, Otxandio-tik igo beharko dugu.

Urkiolako santutegiaren ondoan aparkaleku batzuk daude eta gorago beste toki zaba-

lago bat. Hala ere, bisita asko jasotzen duen gunea denez, kontuan izan behar dugu inguruan dauden beste aparkalekuetan aparkatzeko aukera. Mendatearen ondoan, santutegiaz gain umeen jolas parke bat daukagu baita, Toki Alai parketxean, Urkiolako Parke Naturalaren interpretazio gunea ere bai.

Ikus dezagun ba, ibilbidearen nondik norakoa.

17:00 (00,0 km) Urkiolako mendateetik (710 m) irten eta mendebalderantz abiatu gara, Toki Alai parketxea dagoen tokira. Metro batzuk heldu aurretik, eskualdera egin dugu porlanezko pista bat jarraituz.

Laster bidean arrasto txuri eta horiak aurkitu ditugu, PR-BI 83 Legarmendiko ibilaldi handiaren ibilbidea adierazten


du tenak. Bilbide hau Saibiko lubakietatik, Leungana menditik eta Legarmendiko karstetik igarotzen da Belatxikietaraino. Patakak bidelapuraren eremua zen hau XIX. mendean. Beragandik hau xe esaten zuten: "lapurre zan baie, errukitzue. Usabari kendu eta alargunei emon". Garaiko "Robin Hood" euskalduna.

Elurretan aztarna eginez egin dugu surrera; aurreko elurteei esker gaurkoan inguruan ditugun mendi guztiak txuriz daude jantzita, ikuspegi paregabea osatuz. Basoan barnerratu gara bidezidor markatua jarraituz, Saibi mendia hegoaldeko inguratzen duena, aldapa leunduz.

Basotik zelaira irteterakoan poste adierazle batera heldu garenean azkeneko maldak geratzen zaigu. Momentu honetan bi kilometro eginda ditugu abiapuntuak irten garenetik. Iparrerantz abiatu gara Saibiko gailurrean dagoen hamizko gurutzea jomuga dugula.

Azkeneko aldapa honetan lurrean guda garaiko hainbat zulo aurkitu ditzakegu, batzuk Francoren aldekoen eskakizunez bidalitako italiar eta alemaniar hegazkinetatik botatako bonbek egindakoak, eta

Saibiko gurutzeari begira



Untzillabiz koloretzua

beste batzuk lehergailu horietatik babes-teko gudariek eraikitako lubakiak. Saibitik milizianoek Urkiolako pasabidea kontrolatzen zuten, hau puntu nagusia baitzen Bizkaiaara sartzeko. Gudu nagusia 1937ko apirillean burutu zen eta bertan milaka pertsona zendu ziren. Guda bukatu ondoren garaileek gaur egun ikusi dezakegun harrizko gurutze erraldoia eraiki zuten hildakoen omenez. 1976an, espainiar estatuan diktadura-garaia bukatu ondoren, gurutzeari plaka bat erantsi zioten Errepublikak defendatu zutenen oroigarri.

18:15 (02,8 km) Guda garaiko sarraskien inguruko gorabeherak aipatzen di-da batean heldu gara Saibiko (954m) gailurrera. Tontorretik inguruko mendien ikuspegi izugarria dago: iparretik ekialdera Eskuagatz, Mugarra, Oiz, Untzillatz, Astakí, Alluitz, Urkiolamendi, Anboto, Iruabxeta / Ipizte eta Oriol besteak beste; mendebaldean aldiz, Gorbeia, Aldamin eta Lekanda dira nagusi.

Jaitsi aurretik, dagoen elur pila aprobe-txatuz jolasten eman dugu tarte polit bat, elur panpinak eginez. Itzuleran toki beretik egin dugu, baina oraingoan zelai txuria

txirrista moduan baliatuz, etxeko txikien gozamenerako.

Itzulerako bidean aurrez aurre daukagu Alluitz eta Anboto elkartzen dituen kareharrizko bizkarrezurra eta, arreta handiz begiratu gero, Mariren inudi etzana ere ikusi daiteke: Urkiolako arrakala lepoa, Infernuko zubi ahoa eta Alluitzeko gailurra sudurra osatuz.

19:10 (05,5 km) Eguneko azken argi izpiekin Urkiolako mendatera (710m) heldu gara eta ondoan dagoen Antonio Santuaren santutegia bisitatzeko aukera izan dugu.

DATUAK

Luzera: 5,5km

Desnibela: 244m

Denbora: 2h 10min (geldialdiekin)

Track:

